

# RINGA AUAHA

HE ANGA AKO  
MĀ TE POUAKO HEI TAUIRA

Taumata 2-3 o Te Marautanga o Aotearoa



# HE MIHI

Kei ngā ringa tōhau o te ako, ngā kaihāpai o te tuku ihotanga o ngā mātauranga taketake, o ngā mātauranga o tēnei wā, tēnei te mihi nui ki a koutou e whakapeto ngoi ana, e whakamahiti korou ana mō ā tātou tamariki puta noa, puta noa.

Koinei tētahi rauemi hei hāpai i ngā mahi whakamahere i te ako. E rua ngā rauemi matua, ā, he rauemi taunaki hoki. Ko *Ringa Auaha He Anga Ako mā te Pouako hei tauira* tēnei, ko *He Anga Ako mā te Pouako tērā* atu, ā, koia te whakamahukitanga o tētahi anga ako hei whai mā te pouako. E whā ngā ataata hei rauemi taunaki e whakaatu ana i ngā mahi me ngā pūnaha hanga auahatanga a ngā ringa auaha tokowhā. Ko *Ringa Auaha, Ringa Tōhau Nui* te ingoa o tēnei kohinga ataata. Kei ngā taumata 2-3 o *Te Marautanga o Aotearoa* e noho ana.

I te whakarewatanga o tēnei rauemi, mokori anō kia whakamānawatia te huinga kahurangi nā koutou ngā mātauranga i homai, nā koutou hoki ngā kupu i tārai, tae atu rā ki a koutou i whai wāhi i roto i ngā mahi hoahoa.

He mea whakaputa tēnei rauemi mō Te Tāhuhu o te Mātauranga e

CORE Education Ltd

Pouaka Poutāpetā 13 678

Ōtautahi 8141

Aotearoa

[www.core-ed.org](http://www.core-ed.org)

Kaituhi: Wawaro Te Whāiti

Kaihoahoa: Elaine Nicholas [www.nicelines.co.nz](http://www.nicelines.co.nz)

Kaihopu ataata: Wiremu Grace,  
Imagin8tive Productions Ltd

Kaitiro tiro ataata: Teanau Tuiono

Kaitoi: Erena Baker, Damian McGregor, Revere  
McGregor, Karangawai Marsh

Mana pupuri © Te Tāhuhu o te Mātauranga 2016

Mana pupuri i ngā tuhinga © Core Education 2016

Mana pupuri i ngā tānga © Core Education 2016

ISBN 978-0-473-35740-5

## Te kohinga rauemi

He Anga Ako mā te Pouako

Ringa Auaha, Ringa Tōhau Nui - He ataata

Kua rāhuitia ngā tika katoa. Kāore e whakaaetia kia hangaia houtia tētahi wāhanga o tēnei rauemi ahakoa pēhea te huarahi whakaputa, kia whakaaetia rawatia rā anō e te hunga nō rātou te mana tā.

# Ihirangi

## HE KUPU WHAKATAKI 2

- ▲ Te Marautanga o Aotearoa 4
- ▲ Te Reo me ōna Tikanga 5
- ▲ Mātauranga Whai Take 5

## NGĀ KAIHĀPAI 6

- ▼ Ākonga 6
- ▼ Pouako 7
- ▼ Hapori 7

## NGĀ ARA AKO 7

- ▲ Rautaki 7
- ▲ Ngohe 8
- ▲ Hurihanga Pakirehua 10

## KUPU TAKA 12

## NGĀ PŪTAUKĪ 12

## RAUEMI 13

## TĀNGA NĀ TE TĀHUHU O TE MĀTAURANGA 13



## HE KUPU WHAKATAKI

Ko te whāinga o tēnei rauemi, o *Ringa Auaha He Anga Ako mā te Pouako hei taurira* ko te whakatakoto i tētahi huarahi e pai ai tā te pouako whakamahere ako mō te hunga Tau 4-6 kei ngā arareo mātauranga Māori puta noa i roto i te horopaki o te wāhanga ako Ngā Toi. Kei te taumata 2-3 o Te Marautanga o Aotearoa te aronga mō tēnei rauemi.

Ehara i te mea he *anga* noa iho nei hei whakakī mā koutou, karekau.

He anga, he tūāpapa ōna, he ngako ōna, he kōrero ōna hei hāpai i ngā mahi whakaemi whakaaro, whakatakoto huarahi, whakawhanake mōhiotanga ka mutu ko te whakamahere i te ako.

Ko te hoahoatanga kei runga ake nei, koia hei hoahoatanga o te anga me ōna mata katoa. E 9 ngā mata whānui e noho ana ki raro i ngā **whakaaro matua e toru**. Kei ngā whārangi ka whai ake nei te whānuitanga o ngā kōrero.

Ngā Whakaaro Matua:

1. NGĀ KAIHĀPAI
2. NGĀ ARA AKO

Ngā Mata (i raro i ngā Whakaaro Matua):

1. Te Marautanga o Aotearoa
2. Te Reo me ōna Tikanga
3. Te Mātauranga Whai Take

i raro i te rōpū **Ngā Mātāpono hei Tūāpapa**.

4. Ākongā
5. Pouako
6. Hapori

i raro i te rōpū **Ngā Kaihāpai**.

7. Rautaki
8. Ngohe
9. Hurihanga Pakirehua

i raro i te rōpū **Ngā Ara Ako**.



# RINGA AUAHA

HE ANGA AKO  
MĀ TE POUAKO HEI TAUIRA

Taumata 2-3 o Te Marautanga o Aotearoa

Kua whakaritea tēnei hei tauira mā ērā o koutou e hiahia ana ki te whai i ngā āhuetanga whakamahere ako kua whakatakotoria i te rauemi He Anga Ako mā te Pouako. Nā reira, ko ngā kōrero e hāngai ana ki ngā mahi ako o tēnei tauira he mea hanga noa hei whakaatu atu ki a koutou me aha me te anga rā.

Kāore e kore kei a koutou ā koutou ake mahere ako ka whakakīia i a koutou ka whakarite ki te whakaako. He anga tēnei, ehara i te puka mahere. Ko te hiahia ia kia whakatinanahia e koutou ngā āhuetanga o te anga i roto, i a koutou ka whakaaro ki te ako, i a koutou ka whakamahere hoki i te ako.

## Horopaki ako

Kua rongō i te hiahia o ngā ākonga ki te aro ki ētahi mahi toi ehara i te tā pikitia. Kua tono mai ētahi kia torohia ngā āhuetanga o ētahi taonga puoro, o te whakaahua, o te whatu kākahu hoki.

E mātanga ai te tangata ki āna mahi toi, e kounga ai hoki āna mahi kua kitea te tino whai hua o te āta whakarite i a ia anō me tētahi pūnaha whakarite ki te mahi toi. He rerekē tō tēnā *ringa auaha*, i tō tēnā ringa auaha ara whakarite i a ia anō ki te tārai, ki te waihanga i āna mahi toi.

Ka tirohia e tātou i tēnei anga ako, ngā ara whakarite o ngā *ringa auaha* tokowhā me ā rātou tūmomo mahi toi. Ka arohia tētahi kaiwhakaahua, tētahi kaipatuoro, tētahi kaipaopao pahū me tētahi kairaranga.

# Te Marautanga o Aotearoa

Wāhanga Ako: Ngā Toi  
Ngā Pou: Toi Ataata, Toi Puoro  
Taumata Ako: 2-3

POU Ngā Āhuratanga Toi	WHĀINGA PAETAETAE	PUTANGA AKO	AROMATAWAI
<b>TOI ATAATA (TA)</b> ▶ te raranga ▶ te whakaahua <b>Tukanga Toi</b> <b>Mātauranga Toi</b>	<b>Taumata 3</b> <i>Ka whakawhanake ariā, ka whakapakari pūkenga, ka whakamārama, ka whai māramatanga te ākongā:</i>  mā te tūhura me te whakamahi i ngā hua o ngā rawa, rawa tā, me ngā taputapu;  i ngā mahi o te whiriwhiri tukanga rawa tā, me te tautohu taputapu;  mā te whakamahi i ngā tukanga me ngā rawa tā a te kaitoi.	<p>Ka whai wāhi, ka āhei, ka mātau ake te/ngā ākongā ki te:</p> <ol style="list-style-type: none"><li>whakapapa o ngā mahi toi ka arohia</li><li>a te Māori mai i a Rangi rāua ko Papa</li><li>a iwi kē atu;</li><li>torotoro me te whakamātau i ētahi mata o te toi ataata me te toi puoro;</li><li>whiriwhiri i ngā rawa e tika ana me te ako ki te whakamahi tika i aua rawa e ai ki te tūmomo toi kei te arohia;</li><li>whai i tētahi hurihanga pakirehua ako hei ārahi i a ia i roto i āna mahi;</li><li>tautohu i ngā wāhanga matua o tētahi pūnaha hanga auahatanga;</li><li>whai me te whakatakoto pūnaha ako/mahi.</li></ol>	<p>Kua tutuki kē ngā aromatawai o mua mā te:</p> <ul style="list-style-type: none"><li>kohikohi whakaaro i ngā ākongā;</li><li>whakaemi rauemi tautoko;</li><li>āta tiro tiro i ngā matea ako o ngā ākongā takitahi, o te rōpū hoki.</li></ul> <p>E tutuki ai ngā whāinga me ngā putanga ako ka:</p> <ul style="list-style-type: none"><li>whakaritea e tēnā ākongā tāna ake hurihanga pakirehua ako, ā, ka whāia ki tōna otinga;</li><li>whakaritea e te pouako tētahi hurihanga pakirehua ako mā ngā ākongā katoa e ai ki ngā hiahia o te rōpū.</li></ul>
<b>TOI PUORO (TP)</b> ▶ te patu oro ▶ te patu pahū <b>Tukanga Toi</b> <b>Mātauranga Toi</b>	<b>Taumata 3</b> <p>Ka tūhura, ka whakauru hangarau,</p> <p>ka whakawhanake, ka tautohu:</p> <p>i ngā tūmomo mahi puoro e rata ana ia;</p> <p>i ōna mōhio ki te ia o te puoro;</p> <p>i ngā rerekētanga o ngā oro waiata me ngā tūmomo taonga puoro.</p>		

## Te Reo me ōna Tikanga

### He puna mātauranga hei tīmatanga

*Te Whatu Taaniko: Taaniko Weaving Technique and Tradition* nā Hirini Moko Mead (Pouako)

*He Ringa Toi Whakaari He Waewae Toi* nā Te Tāhuhu o te Mātauranga (Pouako me te ākongā)

*Kia Rōnaki: The Māori Performing Arts* he mea ētita nā Rachel Ka'ai Mahuta rātou ko Tania Ka'ai, ko John Moorefield. (Pouako)

*Ngā Mōteatea* Whakaputanga 1-3 nā Apirana Ngata rāua ko Pei Te Hurinui Jones (Pouako me te ākongā)

#### Papakupu

He Pātaka Kupu; Mai i te Kākano; Te Reo o Ngā Toi Ataata; Te Reo o Ngā Toi Puoro

#### Hautaka

He Kohikohinga - 58, 59

Te Tautoko 72

Te Wharekura 93

#### Rauemi matihiko

Ataata - Ringa Auaha; He Ringa Toi Whakaari He Waewae Toi (kōpae)

Tānga - He Kohikohinga 58; He Kohikohinga 59; Te Tautoko 72; Te Wharekura 93

## Te Mātauranga Whai Take

E whā ngā tūmomo toi kei te arohia, kei te pou Toi Ataata me te pou Toi Puoro - te whakaahua, te patu oro, te patu pahū me te raranga. E whai iho nei ētahi whakaaro ki ngā mātauranga e whai take ana ki ngā momo katoa hei ārahi i ngā mahi ako, hei whakakōrero hoki i ngā ākongā.

#### Whakaahua (TA)

- ▶ te hītori o te waihangatanga o ngā tūmomo pūrere whakaahua;
- ▶ te taenga mai o te pūrere whakaahua ki Aotearoa;
- ▶ ngā whakaahua o ngā tīpuna me ngā tikanga e hāngai ana ki te whakaahua i tētahi tangata.

#### Patu oro (TP)

- ▶ te whakapapa o te oro e ai ki te iwi Māori;
- ▶ ngā kōrero hītori mō tēnei tūmomo mahi oro.

#### Patu pahū (TP)

- ▶ te whakapapa o ngā pahū taketake e ai ki te iwi Māori;
- ▶ ngā pahū a te Māori me ērā hoki a ngā iwi taketake o Te Moana-nui-a-Kiwa.

#### Raranga, whatu (TA)

- ▶ te whakapapa o te raranga me ōna rawa - harakeke, kiekie, pīngao, muka, aha atu, aha atu;
- ▶ ngā kairaranga rongonui o Aotearoa, ka mutu o te ao;
- ▶ ngā tikanga e hāngai ana ki ngā mahi kohikohi rawa tae atu ki te rarangatanga o aua rawa.

## ĀKONGA

### Ngā matea ako kua kitea

1. **Pūnaha ako** Kua kitea i roto i ngā aromatawai kāore anō ngā ākonga kia tino mōhio me pēhea te whakatakoto me te whai i tētahi pūnaha mahi.
2. **Toi ataata** Kua kitea te whāiti o ngā mōhiotanga ki ngā tūmomo toi ataata o te ao Māori, ka mutu, o te ao whānui.
3. **Toi puoro** Kua nui ake te aro a ngā ākonga ina whai wāhi, ina hāngai hoki ngā āhuatanga kei te whakaakona ki tō rātou ao. Ko ngā puoro o te wā ko te pahū, ko te pūrere patu oro hoki.

### Ngā hiahia o ngā ākonga

1. Kei te hiahia ngā ākonga ki te aro ki ētahi mahi toi ehara i te tā pikitia.
2. Kua kite ngā ākonga i ētahi tamariki e waiata ana, e whakatangi puoro ana i ngā hōtaka pouaka whakaata, ā, e hiahia ana rātou ki te whakawhanake i ō rātou pūkenga toi puoro.
3. Kei te hiahia ngā ākonga ki te ako ki te whakaahua tika me ā rātou waea pūkoro, iPapa, tīpapa hoki.
4. Kei te pātai mai ngā ākonga nō hea ētahi āhuatanga o ngā toi o tēnei wā me te hiahia ki te rangahau i ngā kōrero mō ētahi tūmomo toi ka whiriwhiria e rātou.

### Ngā āhuatanga ako

- Ngā tūmomo āhuatanga ako o ngā ākonga kei taku akomanga:
- te āta mātakitaki e mau ai;
  - te pā, te raweke i ngā taputapu kei te arohia;
  - te rangahau;
  - te kōrero ki ētahi ringa toi;
  - te pānui;
  - te mahi takitahi;
  - te mahi taki rōpū;
  - te torotoro i ngā tū hangarau hūhua.



## POUAKO

Pouako mā, kei ō koutou ringa te whakamaheretanga o ngā mahi ako e ai ki ngā matea ako, ngā hiahia, me te pākiki hoki o ngā ākonga. He nui te wāhi ki a koutou me tō mōhio ki ngā āhuatanga ako, ngā rautaki, ngā ngohe, ngā huarahi ako anō e tutuki ai ngā whāinga o te ako.

Inā te whai take o te hapori i roto i ngā mahi ako katoa i te kura!

## HAPORI

E rārangi mai nei ētahi ara tō i te hapori ki te taunaki, ki te hāpai i ngā ākonga ki te whakatutuki i ngā whāinga:

- ▶ Te uiui - pōhiritia ngā tāngata whai take ki te kura ki te noho tahi i ngā ākonga. Me hāngai ki ō rātou hiahia me ō rātou matea ako.
- ▶ Ngā ataata *Ringa Auaha, Ringa Tōhau Nui* kei te pae tukutuku [www.tmoa.tki.org.nz/Kura/He-Anga-Ako-ma-te-Pouako](http://www.tmoa.tki.org.nz/Kura/He-Anga-Ako-ma-te-Pouako) ētahi ataata e whakaatu ana i ētahi ringa toi me ā rātou mahi. He kaiwhakaahua, he kaipatuoro, he kaipaopao pahū, he kairaranga.
- ▶ Ngā ringa toi o te whānau - he kaitoi kei te whānau tonu o te kura. Tonoa rātou hei kaiwhakaako i ā rātou toi ki te kura i ētahi rangi.
- ▶ Torohia ngā whare whakakite toi, ngā whare pupuri taonga, ngā whare hopu oro me ngā whare o ngā ringa toi o te takiwā.

## Rautaki

### Ako

- ▶ Hurihanga Pakirehua Ako - mā te ākonga, mā te akomanga hoki.
- ▶ Wheako whaiaro, wheako kura - te whakawhānui i ngā wheako e hāngai ana ki ngā toi ataata me ngā toi puoro a ngā ākonga.
- ▶ Haerenga ki ngā whare pupuri taonga, ki ngā whare whakakite toi, ki tētahi wāhi hopu oro hoki.
- ▶ Ngā hangarau - kia whai wāhi te ākonga ki te raweke hangarau, ki te whakamahi hoki i ngā hangarau ki te whakawhanake i tana mōhio ki aua hangarau ka tahi, ka rua ki te hāpai i a ia e ako ana mō ngā tūmomo toi.
- ▶ Ngā ataata *Ringa Auaha, Ringa Tōhau Nui* - hei hāpai i te aro ki ngā tūmomo toi me te takoto o tētahi 'pūnaha hanga auahatanga' hāngai.

### Aromatawai

- ▶ Hurihanga Pakirehua.
- ▶ Aromatawai whaiaro - mā te ākonga tonu e tautohu i ōna matea ako me tana tutuki whāinga.
- ▶ Te hanga auahatanga - ka whakaritea he paearu.
- ▶ Te ngahau - ka whakaritea he haepapa mā ia tamaiti, ā, mō ia tamaiti he paearu.

### Ngā kōrero onamata

*Te tukuihotanga o ngā toi a te Māori*

Ka pōhiritia ētahi mātanga kōrero onamata mō te iwi Māori ki te taki kōrero mō ngā whakapapa o ngā tūmomo toi a te Māori.

Te mahi a te ākongā:

1. Whakaaturia ngā kōrero ki ngā tānga;
2. Tuhia he kupu hei taunaki i te tānga;
3. Whakaahuatia ngā tānga, hangaia he pukapuka-e me te iPapa, te fīpapa rānei; me te waea pūkoro; me tētahi kātū hangarau e āhei ana te hopu whakaahua, te patopato kupu, te hanga pukapuka hoki.
4. Ka noho ēnei hei pūtea kōrero onamata mā te kura ka tahi, ka rua ka noho hei pukapuka rangahau mā ngā ākongā.

Ka pā tēnei ngohe ki ngā whāinga mō te Toi Ataata me te Toi Puoro mō te wāhi ki te whakapapa o ngā toi me ngā hangarau.

### Ngā pūnaha hanga auahatanga

Kia mātakina ngā ataata *Ringa Auaha, Ringa Tōhau Nui*, kia kōrero hoki ki ētahi ringa toi, ka whai take tēnei ngohe ako. Anei ētahi pātai e tika ana kia whakautua e ngā ākongā e whakarite ana ki te whakatakoto pūnaha hanga auahatanga ka tahi, ki te hanga auahatanga ka rua.

1. He aha te hua i te mutunga iho?
2. He aha ngā wāhanga matua e tika ana kia āta whakaarohia, kia āta whakaritea? Koinei ngā wāhanga matua o te pūnaha.
3. E tutuki ai ngā whāinga o tēnei ngohe me whai tautoko i hea, i a wai rānei?

Āpitihia he pātai anō e ai ki ngā matea ako o ngā ākongā.

Ko te whāinga ia, mā te ākongā e whiriwhiri te/ngā tūmomo toi ataata/puoro e hiahia ana ia ki te whai, kātahi ka whakatakoto pūnaha hanga auahatanga mōna ake.

## Ngā hanga auaha

Kei ngā pukapuka nei ētahi ngohe tino pai mō te whatu me te raranga:

- ▶ He Toi Ataata, He Mana Tangata - Whakairo, Raranga Kōeke 1-4
- ▶ He Toi Ataata, He Mana Tangata - Whatu, Waituhi Kōeke 1-4

(He mea tono ēnei i te pae tukutuku  
[Down the Back of the Chair.](#))

Me rapu tangata ka tautoko i ngā mahi ako:

- ▶ whakaahua
- ▶ patu oro
- ▶ patu pahū
- ▶ raranga
- ▶ whatu.

Me toro ki ngā whare whakakite toi, ngā whare pupuri taonga me ngā whare hopu oro.

## Ngā ataata Ringa Auaha, Ringa Tōhau Nui

ERENA ARAPERE

[www.tmoa.tki.org.nz/Kura/He-Anga-Ako-ma-te-Pouako/Erena-Arapere](http://www.tmoa.tki.org.nz/Kura/He-Anga-Ako-ma-te-Pouako/Erena-Arapere)

DJ REVERE MCGREGOR

[www.tmoa.tki.org.nz/Kura/He-Anga-Ako-ma-te-Pouako/Revere-McGregor](http://www.tmoa.tki.org.nz/Kura/He-Anga-Ako-ma-te-Pouako/Revere-McGregor)

DAMIAN MCGREGOR

[www.tmoa.tki.org.nz/Kura/He-Anga-Ako-ma-te-Pouako/Damian-McGregor](http://www.tmoa.tki.org.nz/Kura/He-Anga-Ako-ma-te-Pouako/Damian-McGregor)

KARANGAWAI MARSH

[www.tmoa.tki.org.nz/Kura/He-Anga-Ako-ma-te-Pouako/Karangawai-Marsh](http://www.tmoa.tki.org.nz/Kura/He-Anga-Ako-ma-te-Pouako/Karangawai-Marsh)

He ataata ēnei e hāngai pū ana ki:

- ▶ ngā ringa toi Māori
- ▶ te pūnaha hanga auahatanga
- ▶ ngā āhukatanga toi o nāianei rā

He nui te whai take o ēnei ataata ki ngā ēnei mahi ako.

## He ngahau kei te haere!


Kia mutu ngā mahi ako e pā ana ki ngā tūmomo toi, kia oti hoki i ngā ākongā tētahi hanga te waihanga, ka whakarite kaupapa hei kōkiri mā rātou ki te whakaatu i ngā akoranga ki te marea, ki te mihi hoki ki te hunga nā rātou ngā ākongā i tautoko. Koinei ngā kōwhiringa:

- ▶ he konohete
- ▶ he whakakitenga toi
- ▶ he kanikani.


Ka riro mā ngā ākongā e whakarite - ka whāia ā rātou pūnaha hanga auahatanga kia tutuki pai ai.

## Te rangahau

He nui ngā ara rangahau. Mā tēnā ākongā e whiriwhiri he aha te/ngā ara pai mōna ake. I mua i te rangahau me tutuki i a ia te hurihanga pakirehua.



## Hurihanga Pakirehua



E whai ake nei tētahi taura o te hurihanga pakirehua ako kua whiriwhiria mō tēnei kōwae ako, mō Ringa Auaha.

## He Hurihanga Pakirehua Ako mō Ringa Auaha

### Te whakakitenga

I te otinga, he aha ia ngā mōhiohio ka mau? Koinei te wāhanga ka tuhia e te ākongā ōna whāinga.

*Kia mātau ahau ki ētahi āhuatanga waiwai o te whakaahua – te whakarite, te hopu, te whakakite. Kei te hiahia ahau ki te ako ki te tikanga whakaahua 'tikanga hautori' – tērā e kīia ana, i a koe ka whakaahua i tētahi hanga me hāngai te titiro ānō nei he pouaka, e 9 ōna wāhanga.*

---

## Ngā urupounamu ārahi

Ka āta noho te ākonga ki te whiriwhiri whakaaro me te whakatakoto i aua whakaaro hei pātai hei whakautu māna, haere ake nei.

Hei whakautu māku:

- ☆ *Nō hea tēnei tikanga?*
- ☆ *He aha ōna painga, ōna hē hoki?*
- ☆ *Ko wai i tō mātou kura, i te hapori hoki e whai pānga ana ki ngā mahi whakaahua hei toronga māku?*
- ☆ *Ka pēhea ahau e mōhio kua mau i a au?*
- ☆ *He aha ngā rawa e tika ana māku?*
- ☆ ...

---

## Ngā mahi whakaea

I konei ka whakaritea e te ākonga tētahi mahere ka whāia e ia ki te whakatutuki i ngā mahi. Mā te kaiako ia e tautoko, māna hoki e whakaatu atu ētahi tauira e tutuki ai.

- *Rangahau - rangahaua te tākinga mai o te tikanga.*
- *Te Whakamātau - whakamātauria taku mōhio ki te tikanga.*

---

## Te kohikohi mōhiohio

Me āta whakaaro te ākonga ki te puna mātauranga ka torohia e ia ka tahi, ka rua ngā huarahi rapu mātauranga ka whāia e ia ki te whakatutuki i t/ōna whāinga. Hei tauira: Uiuī, Ipurangi, te whare pukapuka.

- *Rangahau - rangahaua te tākinga mai o te tikanga; tirohia ētahi whakaahua e whakatinana ana i te tikanga me ētahi whakaahua rerekē hoki; kōrerol whakapātitiro ki ngā kaiwhakaahua o te takiwā, o Aotearoa, o te ao ka whai i tēnei tikanga.*
- *Te Whakamātau - ka whakamātauria taku mōhio ki te tikanga mā te hopu, mā te raweke i ngā rangahau kia mātau haere ai.*

---

## Te tātari mōhiohio

I konei ka āta titiro ki ngā mātauranga kua kohia me te āta tātari ko hea e whai take ana, ko hea e āhua whai pānga ana, ko hea hoki kāore e whakamahia ana i tēnei hurihanga pakirehua.

Ngā mātauranga whai take kua kohia, ā, ka purutia:

- *ngā kōrero a Erena Arapere; ngā tuhinga i kitea i te ipurangi mō te tikanga hautori;*
- *ētahi tauira whakaahua kōunga e whakaatu ana i te whakamahinga o te tikanga;*
- *ngā rangahau e hāngai ana ki te whakaahua tangata me te whakaahua tipu nā te mea, koinei aku aronga i aku mahi whakaahua.*

Ngā mātauranga me kohikohi tonu:

- *he aha ia ngā wā kāore tēnei tikanga whakaahua e whai take?*

---

## Ngā hua, ngā kitenga

Ki konei kitea ai, āe rānei, kua whakautua e koe ō pātai, kua whakatinanahia te whakakitenga o mua, kāore rānei.

- *Kua mārāma ake ahau ki te tikanga nei;*
- *Kua pai ake taku whakaahua tangata, whakaahua tipu hoki heoi anō me mahi tonu kia māia ake ahau;*
- *Me hoki anō ki te raweke ki ētahi atu pūrere whakaahua kia tino mārāma ahau ki te tikanga hautori.*



## KUPU TAKA

### REO MĀORI

### REO PĀKEHĀ

hapori matihiko

online community

Hurihanga Pakirehua; hurihanga pakirehua

Inquiry Cycle - learning and teaching

matea ako

learning need

Kaipatuoro

Disc-jockey, Dee-jay, DJ

Kaipaopao pahū

Drummer

Kairaranga

Weaver

Kaiwhakaahua

Photographer

patu oro

playing beats

paopao pahū; patu pahū

playing the drums

pūrere whakaahua; kāmera

camera

pūrere whakaahua matihiko;  
kāmera matihiko

digital camera

whakakitenga

vision; goal

## NGĀ PŪTAUKĪ

TA - Toi Ataata

MATR - Ngā Mahi a te Rehia

TP - Toi Puoro

TMoA - Te Marautanga o Aotearoa

# RAUEMI

## Tānga nā Te Tāhuhu o te Mātauranga

*Te Marautanga o Aotearoa*

Te Reo o Ngā Toi Ataata. He Tauira Papakupu (He Kupenga Hao i te Reo me Te Tāhuhu o te Mātauranga)

Te Reo o Ngā Toi Puoro. He Tauira Papakupu (He Kupenga Hao i te Reo me Te Tāhuhu o te Mātauranga)

He Ara Ako i te Tuhituhi me te Pānui

He Manu Tuhituhi

## Mā te pouako

Ngā Tauaromahi Marautanga o Aotearoa *Ngā Toi*

Hei Tautoko i te Marautanga *Ngā Toi*

Ringa Auaha He Anga Ako mā te Pouako hei tauira, Ngā Toi, Kōeke 2-3

Kia Rōnaki: The Māori Performing Arts

Te Whatu Taaniko: Taaniko Weaving Technique and Tradition

## Mā te pouako me te ākongā

He Toi Ataata, He Mana Tangata - Whakairo, Raranga Kōeke 1-4

He Toi Ataata, He Mana Tangata - Whatu, Waituhi Kōeke 1-4

He Ringa Toi Whakaari He Waewae Toi

Ngā Mōteatea Whakaputanga 1-4

Ngā Pēpeha a ngā Tīpuna

## Mā te ākongā

He Kohikohinga 58

He Kohikohinga 59

Te Tautoko 72

Te Wharekura 93

## Papakupu

He Pātaka Kupu

Mai i te Kākano

## Rauemi matihiko, ā-ipurangi hoki


He kohinga rauemi Ngā Toi kei te pae tukutuku Te Kete Ipurangi, [www.tki.org.nz](http://www.tki.org.nz)

Down the Back of the Chair ki [www.thechair.co.nz](http://www.thechair.co.nz)

*Te Marautanga o Aotearoa* ki [www.tmoa.tki.org.nz](http://www.tmoa.tki.org.nz)

Ringa Auaha, Ringa Tōhau Nui ki [www.tmoa.tki.org.nz/Kura/He-Anga-Ako-ma-te-Pouako](http://www.tmoa.tki.org.nz/Kura/He-Anga-Ako-ma-te-Pouako)

He rauemi whakamahere ako, he rauemi whakatakoto whakaakoranga, he rauemi hangarau kei VLN - He kōtuinga ako ā-ipurangi ki [www.vln.school.nz](http://www.vln.school.nz)



ISBN 978-0-473-35740-5



9 780473 357405



**CORE**  
EDUCATION  
Tātai Aho Rau